



Broj: 16-12-16-8727-11/19
I. Sarajevo, 24. 12 2019. godine

Na osnovu člana 10. stav (1) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije Agencije za javne nabavke od 20.12.2019. godine u postupku javne nabavke usluga štampanja propisanih evidencija za potrebe Državne agencije za istrage i zaštitu, na preporuku Komisije II za nabavke za potrebe Državne agencije za istrage i zaštite za 2019. godinu broj 16-12-16-8727/19 od 23.12.2019. godine, zamjenik direktora Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku usluga štampanja propisanih evidencija za potrebe Državne agencije za istrage i zaštitu

Član 1.

U postupku javne nabavke usluga štampanja propisanih evidencija za potrebe Državne agencije za istrage i zaštitu, putem Konkurentskog zahtjeva za dostavljanje ponuda korištenjem e-aukcije, okvirni sporazum za javnu nabavku usluga štampanja propisanih evidencija za potrebe Državne agencije za istrage i zaštitu za period od tri godine, dodjeljuje se ponuđaču „SVJETLOST BH PRINT“ d.o.o. Sarajevo, ponuda broj 16-12-16-8727-8/19 od 16.12.2019. godine, za ponuđenu cijenu 16.000,00 KM bez PDV-a.

Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaze o ispunjavanju uslova iz toč. 3.1.1. i 3.1.3. Konkurentskog zahtjeva (original ili ovjerena kopija).

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-financijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-8727-1/19 od 26.11.2019. godine, pokrenut je postupak javne nabavke usluga štampanja propisanih evidencija za potrebe Agencije za period od tri godine, putem Konkurentskog zahtjeva, za koji je obavještenje o nabavci broj 1161-7-2-357-3-57/19 objavljeno na Portalu Agencije za javne nabavke 03.12.2019. godine. Procijenjena vrijednost javne nabavke je 25.500,00 KM bez PDV-a, a za što su novčana sredstva osigurana u okviru budžetskih sredstava za 2019. godinu, a na osnovu Odluke o privremenom financiranju institucija Bosne i Hercegovine i međunarodnih obaveza Bosne i Hercegovine za period oktobar-decembar 2019. godine („Službeni glasnik BiH“, broj 72/19) i Dokumenta okvirnog budžeta 2020.-2022. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je točkom 6. Konkurentskog zahtjeva navedeno da je rok za dostavljanje ponuda 16.12.2019. godine do 13,00 sati, te da se ponude dostavljaju u zatvorenoj koverti, Komisija je dana 16.12.2019. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene četiri ponude i to:

R.br.	Naziv ponuđača	Ponuđena cijena (bez PDV-a) u KM
1.	„ERMEX“ d.o.o. Istočno Sarajevo	31.513,50 KM
2.	„PRINT-GS“ d.o.o. Travnik	41.896,25 KM
3.	„SVJETLOST BH PRINT“ d.o.o. Sarajevo	27.842,03 KM
4.	„KOPIKOMERC“ s.p. Istočno Sarajevo	36.825,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda, Komisija je utvrdila da ponuđači „ERMEX“ d.o.o. Istočno Sarajevo, „SVJETLOST BH PRINT“ d.o.o. Sarajevo i „KOPIKOMERC“ s.p. Istočno Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Također, Komisija je utvrdila da navedeni ponuđači ispunjavaju formalno-pravne uslove iz Konkurentskog zahtjeva, te da ponuđači „ERMEX“ d.o.o. Istočno Sarajevo i „SVJETLOST BH PRINT“ d.o.o. Sarajevo uživaju preferencijalni tretman domaćeg.

Osim navedenog, Komisija je utvrdila da ponuđač „PRINT-GS“ d.o.o. Travnik ne ispunjava uslov iz točke 5.2. Konkurentskog zahtjeva. Naime, točkom 5.2. Konkurentskog zahtjeva traženo je da svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju ponuđača. Uvidom u ponudu ponuđača „PRINT-GS“

d.o.o. Travnik, Komisija je utvrdila da je navedeni ponuđač dostavio ponudu u kojoj nisu svi listovi ponude parafirani, odnosno potpisani kako je traženo. Također, Komisija je utvrdila da je ponuđač „PRINT-GS“ d.o.o. Travnik u Izjavi ponuđača pod točkom 5. upisao period važenja ponude samo brojučano, a ne i slovima kako je traženo, te nije popunio rubriku koja se odnosi na datum do kada vrijedi ponuda. Uzimajući u obzir navedeno, Komisija nije dalje razmatrala niti vrednovala ponudu ponuđača „PRINT-GS“ d.o.o. Travnik.

Budući da je Konkurentskim zahtjevom predviđeno da se za navedeni postupak javne nabavke usluga štampanja propisanih evidencija za potrebe Agencije provodi e-aukcija, Komisija je za prihvatljive ponude ponuđača „ERMEX“ d.o.o. Istočno Sarajevo, „SVJETLOST BH PRINT“ d.o.o. Sarajevo i „KOPIKOMERC“ s.p. Istočno Sarajevo zakazala e-aukciju dana 20.12.2019. godine u trajanju od 15 minuta u periodu od 13,15 do 13,30 sati. Prema Izvještaju o toku i završetku e-aukcije od 20.12.2019. godine konačna rang lista ponuđača koji su učestvovali u e-aukciji je sljedeća:

Redni broj	Naziv ponuđača	Vrijednost ponude (bez PDV-a)	Rang
1.	„SVJETLOST BH PRINT“ d.o.o. Sarajevo	16.000,00 KM (cijena na koju se primjenjuje preferencijalni tretman domaćeg)	1
2.	„KOPIKOMERC“ s.p. Istočno Sarajevo	16.123,00 KM	2
3.	„ERMEX“ d.o.o. Istočno Sarajevo	31.513,50 KM (cijena na koju se primjenjuje preferencijalni tretman domaćeg)	3

Shodno Izvještaju o toku i završetku e-aukcije, odlučeno je da se okvirni sporazum za pružanje usluga štampanja propisanih evidencija za potrebe Agencije dodjeli ponuđaču „SVJETLOST BH PRINT“ d.o.o. Sarajevo, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

